



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Sarajevo, 27.04.2023. godine
Broj: 179-1/23

ZAPISNIK
SA XXIV. REDOVNE SKUPŠTINE
UDRUŽENJA INŽENJERA I TEHNIČARA ŠUMARSTVA FEDERACIJE BiH

Održane u Neumu u hotelu Zenit, u četvrtak 27.04.2023. godine, sa početkom u 17:00 sati.
Prisutno je bilo 45 (četrdesetpet) delegata, a opravdano odsutno 20 (dvadeset) delegata uz prisustvo 9 (devet) gostiju. Spisak prisutnih je sastavni dio zapisnika.
Predsjednik Skupštine je informisao prisutne da postoji kvorum za njeno održavanje, te je upitao delegate da li imaju pitanja vezana za rad Udruženja u proteklom periodu.
Pošto nije bilo pitanja, Skupštini je predložio sljedeći

DNEVNI RED

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. Razmatranje i usvajanje zapisnika sa XXIII. Redovne Skupštine UŠIT-a FBIH.
4. Razmatranje i usvajanje:
 - a) Izvještaja o radu za 2022. godinu.
 - b) Finansijskog izvještaja za 2022. godinu.
 - c) Izvještaja Nadzornog odbora za 2022. godinu.
5. Razmatranje i usvajanje:
 - a. Plana rada za 2023. godinu.
 - b. Finansijskog plana za 2023. godinu.
6. Tekuća pitanja.

Ad. 1. Predsjednik Skupštine je u skladu sa Statutom i internim aktima Udruženja po prvoj tački dnevnog reda u Radno predsjedništvo XXIV. Redovne Skupštine Udruženja predložio:

1. Eldin Delić, dipl.ing.šum. - član,
2. Refik Hodžić, dipl.ing.šum. - član i
3. Emir Islamović, dipl.ing.šum. - predsjednik Radnog Predsjedništva.

Za zapisničara je predložio generalnog sekretara Udruženja Azera Jamakovića.
Na osnovu predloženog, delegati u Skupštini Udruženja, jednoglasno usvajaju sljedeći

ZAKLJUČAK



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

- Usvaja se prijedlog predsjednika i članova Radnog predsjedništva XXIII. Redovne Skupštine Udruženja.
- Usvaja se prijedlog zapisničara XXIII. Redovne Skupštine Udruženja.

Ad. 2. Sa pozdravnim riječima i željama za uspješnim radom Skupštine obratili su se Hasan Hasić, direktor JP „ŠPD ZDK” d.o.o. Zavidovići, Šerif Kaljiković, direktor ŠPD „Unsko-sanske šume” d.o.o. Bosanska Krupa, Alber Kokić, Hrvatsko šumarsko društvo i Refik Hodžić, delegat u Skupštini Udruženja i bivši predsjednik UO i Skupštine Udruženja. Nije bilo diskusije ni zaključaka po ovoj tački dnevnog reda.

Ad. 3. Predsjednik Skupštine je stavio na razmatranje Zapisnik sa XXIII. Redovne Skupštine UŠIT-a FBiH, te pošto nije bilo diskusije, Skupština Udruženja jednoglasno donosi sljedeći

ZAKLJUČAK

- Jednoglasno se usvaja Zapisnik sa XXIII. Redovne Izborne Skupštine UŠIT-a FBiH.

Ad. 4. a), Ad. 4. b) i Ad. 4. c) Predsjednik Udruženja je u uvodu istakao da mu je žao što nismo održali ovu Skupštinu u Turskoj, kako smo planirali, ali zbog velikog zemljotresa koji se desio u Turskoj smo to prolongirali za narednu godinu. Predložio je Skupštini da prezentira tri izvještaja i da se nakon toga Skupština izjašnjava po istim.

Predsjednik Skupštine je stavio na razmatranje prijedlog predsjednika, te pošto nije bilo diskusije, Skupština Udruženja jednoglasno donosi sljedeći

ZAKLJUČAK

- Odobrava se predsjedniku Udruženja prezentacija tri izvještaja u skladu sa 4. tačkom dnevnog reda, te će se nakon prezentacije, delegati u Skupštini Udruženja izjašnjavati po istim.

Predsjednik Udruženja je prezentirao a) Izvještaj o radu za 2022. godinu, b) Finansijski izvještaj za 2022. godinu i c) Izvještaj Nadzornog odbora za 2022. godinu.

Refik Hodžić je čestitao na rezultatima u 2022. godini. Istakao je da su svi volonteri osim generalnog sekretara i to je za svaku pohvalu Koliko se uradilo. Najviše energije smo u proteklom period potrošili na organizaciju EFNS-a, a svakako je još dosta aktivnosti urađeno. Fali nam temeljni zakon o šumama i ostali dokumenti za kvalitetnije upravljanje šumama, među kojima je i kvalitetnija Odluka o načinu prodaje šumskih drvnih sortimenata. Velika je zadaća Udruženja ispred nas. Trebamo staviti da se ova odluka kvalitetnije definiše u svrhu što kvalitetnijeg gospodarenja šumama. Osvrnuo se i na nacrt Zakon o zaštiti prirode koji je u kontradiktornoisti sa kantonalnim zakonima o šumama. Veliki je broj aktivnosti koja se dešavaju oko šumarstva na koja trebamo reagirati. Treba se više medijski eksponirati, kako bi imali više utjecaja na politiku. Na kraju je još jednom čestitao na rezultatima i potreban je veći angažman svih nas kako bi bili još uspješniji za dobrobit struke.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Nakon prezentacije izvještaja i diskusije, Skupština Udruženja jednoglasno donosi sljedeću

ODLUKU

- Usvaja se Izvještaj o radu za 2022. godinu.
- Usvaja se Finansijski izvještaj za 2022. godinu.
- Usvaja se Izvještaj Nadzornog odbora za 2022. godinu.

Ad. 5. a) i Predsjednik Udruženja je istakao da je dosta toga pobrojano i da su možda planovi i preambiciozni, ali svakako ćemo dati puni dopinos svi zajedno. Najviše vremena i aktivnosti je provedeno oko organizacije 54. EFNS-a i zahvalio se na svakoj vrsti pomoći oko organizacije EFNS-a. Prezentirao je detalje oko finansijskih aktivnosti Udruženja u okviru projekta 54. EFNS-a. Upoznao je prisutne sa planom realizacije održavanja XXV. Redovne Skupštine u Republici Turskoj i naglasio angažman na uplati pojedinačnih članarina i sponzorstva i onda ovih odlasci nam neće biti nikakav problem. Istakao je da je cilj da svi vidimo benefite rada Udruženja, a ne samo pojedinci, te je prezentirao detaljno Plan rada za 2023. godinu.

Refik Hodžić se ponovno osvrnuo na nacrt Zakona o zaštiti prirode FBiH i da ova aktivnost, odnosno učešće Udruženja u njegovu izradu uđe u Plan rada za 2023. godinu i da projekti uđu u okvir rada Udruženja, te da se održi sastanak sa predstavnicima resornog Federalnog ministarstva, Federalnog ministarstva prostornog uređenja i zaštite okoliša i predstavnika Udruženja, gdje se u zakonu nalaze kontradiktornosti koje je potrebno izbaciti iz nacrta Zakona o zaštiti prirode. Moramo biti više samokritični i imamo recimo dosta propusta kada pogledamo Informaciju o gospodarenju šumama u proteklom period, gdje ima dosta nedostataka za koje smo mi šumari krivi, što nisu kvalitetno realizovane. Potrebno se aktivirati da se urade državni standardi u oblasti šumarstva, te da ministarstvo verificira zapreminske i sortimentne tablice. Također, ponovio je da se reaguje prema ministarstvu vezano za izmjenu i dopunu Odluke o prodaji šumskih drvnih sortimenata. Potrebne su nam edukcije i iz planiranja u šumarstva. Predsjednik je spomenuo odlazak Skupštine u Tursku koja je zbog zemljotresa odgođena, potrebno je vidjeti koja su preduzeća šumarstva pobratimi sa njima i sa predstavnicima Udruženja otići u Kahramanmaraš po pitanju da se prezentira šta smo odradili od pomoći za njih nakon zemljotresa i da se vidi situacija šta možemo još uraditi po ovom pitanju.

Seid Čorbić je želio da se zahvali rukovodstvu Udruženja i sviđa mi se izvještaj, pogotovo oko organizacije EFNS-a. Nažalost nije bilo podrške iz našeg preduzeća. Podržavam ovo što je rečeno, a potrebno je da ubacimo posebno poglavlje oko zakonske legislative i podzakonskih akata i šumarstva i zaštite prirode, ali treba ubaciti i vezano za legislativu iz oblasti lovstva, odnos Zakon o lovstvu. Naglasio je da je potrebno da i uprave pored preduzeća šumarstva budu u kolektivnom članstvu Udruženja. Nažalost, naše kolege iz ministarstava brane užasne prijedloge zakona koje ne idu u korist struke. Kažem nažalost, jer to ne rade političari već naše kolege, a oni bi trebalo da rade u interesu struke. Treba zatvoriti tri dana sve učesnike po pitanju donošenja i usaglašavanja zakona i vidjet ćete da bi se dogovorilo i našlo kompromisa i da se definiše u skladu sa strukom, a ne da nam neko drugi definiše stručne aspekte u zakonima. Ja se ne slažem da treba federalni zakon o šumama donijeti po



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

svaku cijenu. Ovaj aktuelni zakon ne treba podržati, to je moje mišljenje in ama treba formiranje Šumarske komore FBiH iz mnogo razloga.

Zihnet Muhić je upoznao prisutne o proceduri Zakona o šumama FBiH i sve što je dogovoreno sa UŠIT-om ide kao amandmani ispred Vlade FBiH. Federalno ministarstvo ima 2,7 miliona KM na računu, ali ta su sredstva blokirana na računu i ne možemo ništa uraditi sa njima.

Vahidin Lušija je istakao da su sve primjedbe na mjestu i da će se maksimalno uključiti i da je sve prihvatljivo da se uključi u Plan rada, pogotovo vezano za zakonske legislative.

Nakon prezentacije Plana rada i Finansijskog plana za 2023. godinu i diksusije, Skupština Udruženja jednoglasno donosi sljedeću

ODLUKU

- Usvaja se Plan rada za 2023. godinu uz dopunu prijedloga dopune od strane delegate Refika Hodžića i Seida Čorbića.
- Usvaja se Finansijski plan za 2023. godinu.

Ad. 6. Zahtjev Srednje škole za okoliš i drvni dizajn iz Sarajeva je prezentirao generalni sekretar Udruženja ističući da im je resorno kantonalno ministarstvo obrazovanja za školsku godinu ukida dva smjera u školi i to rasadničar i rukovalac mašinama u šumarstvu i hortikulturi. Traže podršku od danas, jer se boje da će se ti smjerovi trajno ukinuti. Naveli su da je ministarstvo odobrilo nove smjerove u školi koji nisu naše struke.

Nakon informacije od strane generalnog sekretara Udruženja, Skupština Udruženja jednoglasno usvaja sljedeći

ZAKLJUČAK

- Skupština UŠIT FBiH je protiv ukidanja stručnih smjerova u Srednjoj školi za okoliš i drvni dizajn iz Sarajeva, a koji su bitni za rad u šumarstvu i pruža im potpunu podršku u aktivnostima protiv njihovog ukidanja.

Predsjednik Udruženja se zahvalio svima koji su učestvovali u finansijskog podršci pomoći kolegicama i kolegama u Turskoj, koji su stradali u razornom zemljotresu.

Eldin Delić se zahvalio svim delegatima Skupštine i stavio na raspolaganje po svim detaljima vezano za struku i što se tiče njega lično, učinit će sve potrebno da se usvoje oni amandmani koje predložimo kao struka. Pozivam sve šumare koji su u drugim političkim strankama da zajednički podržimo zakon koji odgovara struci.

Skupština je završena u 18,45 sati.

Predsjednik Skupštine

Emir Islamović, dipl.ing.šum.

Zapisnik vodio

Azer Jamačović, dipl.ing.šum.